

მომსახურების ხელშეკრულების სტანდარტული პირობები

1. ხელშეკრულების მოქმედების ფარგლები

- 1.1. მხარეთა შორის დადებული ხელშეკრულება შედგება შემდეგი დოკუმენტებისაგან: (ა) მომსახურების ხელშეკრულება; (ბ) წინამდებარე მომსახურების ხელშეკრულების სტანდარტული პირობები; (გ) ნებისმიერი დამატებითი დანართი. ამასთან:
 - 1.1.1. მომსახურების ხელშეკრულების, აგრეთვე სტანდარტული პირობების ტექსტსა და დანართ(ებ)ის პირობებს შორის წინააღმდეგობის არსებობისას უპირატესობა მიენიჭება დანართ(ებ)ის პირობებს;
 - 1.1.2. დანართ(ებ)ის პირობებს შორის წინააღმდეგობის არსებობისას უპირატესობა მიენიჭება იმ დანართის პირობებს, რომელიც ადგენს უფრო სპეციალურ პირობებს და განკუთვნილია კონკრეტული სამართლებრივთა მოსაწყობისთვის.
 - 1.1.3. მომსახურების ხელშეკრულების პირობებსა და სტანდარტული პირობების ტექსტს შორის წინააღმდეგობის არსებობისას უპირატესობა მიენიჭება მომსახურების ხელშეკრულების პირობებს;

2. ტერმინთა განმარტებითი

- 2.1. თუ ხელშეკრულებით სხვა რამ არ არის განსაზღვრული ან/და მისი კონტექსტიდან სხვა რამ არ გამოდინარეობს, ქვემოთმოცემულ ტერმინებს ენიჭებათ შემდეგი მნიშვნელობა:
 - 2.1.1. ანგარიში - ბანკში არსებული შემსრულებლის საბანკო ანგარიში(ები) (ასეთის არსებობის შემთხვევაში);
 - 2.1.2. ანგარიშსწორება - სხვადასხვა საშუალებებით (მათ შორის საბანკო დაწესებულებების მეშვეობით) გადახდელი პირის მიერ ფულადი სახსრების მიღების პირისათვის გადაცემის შესრულების პროცესი;
 - 2.1.3. არამატერიალური ქონებრივი სიკეთე - ის მოთხოვნები და უფლებები, რომლებიც შეიძლება გადაეცეს სხვა პირებს ან გამოიწვიოს საიმისოდ, რომ მათ მფლობელს შეეძინას მატერიალური სარგებელი ან/და მიენიჭოს სხვა პირების მიმართ მოთხოვნის უფლება;
 - 2.1.4. ბანკი - მომსახურების ხელშეკრულების 1.1. პუნქტში მითითებული პირი, რომელიც წარმოადგენს ხელშეკრულების მხარეს;
 - 2.1.5. განცხადებითი და გარანტიები - ხელშეკრულების სტანდარტული პირობების მე-3 მუხალში მოცემული მომსახურების განცხადებები და გარანტიები;
 - 2.1.6. დანართი - მხარეთა მიერ ხელმოწერილი ნებისმიერი დამატებითი დანართ(ებ), რომელიც აზუსტებს, ცვლის ან/და წყვეტს ხელშეკრულებას ან/და მის პირობებს და წარმოადგენს ხელშეკრულების განუყოფელ ნაწილს;
 - 2.1.7. ინტელექტუალური პროდუქტი - მომრავი ნივთი ან/და არამატერიალური ქონებრივი სიკეთე (მათ შორის ერთმნიშვნელოვნად ბანკის მოთხოვნით შექმნილი ნებისმიერი პროდუქტი/ნაწარმოები, რომლებიც წარმოადგენს ინტელექტუალურ-შემოქმედებითი საქმიანობის შედეგს, განურჩევლად დანიშნულების, გამოხატვის ფორმის და საშუალებების), რომელთა მიმართაც არსებობს კანონმდებლობის საფუძველზე ინტელექტუალური სამართლის ნორმებით მოწესრიგებული ქონებრივი და პირადი არაქონებრივი უფლებები (მათ შორის ინტელექტუალურ პროდუქტთან დაკავშირებული საავტორო და მომიჯნავე უფლებები, პატენტის, გამოგონების, სასარგებლო მოდელის, დიზაინის, სასაქონლო ნიშნის ან/და ინტერნეტ დომენის სარგებლობასთან/გამოყენებასთან და განკარგვასთან დაკავშირებული უფლებები).
 - 2.1.8. კანონმდებლობა - საქართველოს მოქმედი საკანონმდებლო და კანონქვემდებარე ნორმატიული აქტების, აგრეთვე საქართველოს ნორმატიულ აქტთა სისტემში მოქმედი საქართველოს საერთაშორისო ხელშეკრულებების და შეთანხმებების ერთობლიობა;
 - 2.1.9. კონფიდენციალური ინფორმაცია - თუ ხელშეკრულებით სხვა რამ არ არის განსაზღვრული, ხელშეკრულების ხელმოწერის ან/და მისი შესრულების შედეგად ერთ-ერთი მხარის მიერ მეორე მხარის შესახებ მიღებული, დამუშავებული, შექმნილი ან/და გაზავნილი ნებისმიერი ინფორმაცია/დოკუმენტაცია (მათ შორის ინფორმაცია/დოკუმენტაცია მხარის პერსონალური, წილობრივი, ფინანსური მონაცემების, მხარის მფლობელი/მმართველი/ურთიერთდაკავშირებული პირ(ებ)ის, მესამე პირ(ებ)თან არსებული გარიგებ(ებ)ის, მფლობელობაში არსებული მოძრავი ან/და უძრავი ობიექტ(ებ)ის, ბიზნეს პროცესის/პროცედურების, მარკეტინგული სტრატეგიის, პროექტ(ებ)ის ან/და სხვა სახის მონაცემების შესახებ) ან/და სხვა მნიშვნელოვანი ინფორმაცია/დოკუმენტაცია.
 - 2.1.10. მესამე პირ(ები) - ნებისმიერი პირი, რომელიც არ წარმოადგენს ხელშეკრულების მხარეს;
 - 2.1.11. მომსახურების ხელშეკრულება - მხარეთა შორის დადებული გარიგება, რომელიც წინამდებარე პირობებთან და სხვა დანართებთან ერთად ქმნის ხელშეკრულებას.
 - 2.1.12. სტანდარტული პირობები - წინამდებარე დოკუმენტით დადგენილი მომსახურების ხელშეკრულების სტანდარტული პირობები, რომელიც წარმოადგენს ერთიანი ხელშეკრულების განუყოფელ ნაწილს და განთავსებულია ბანკის ვებ-გვერდზე - www.libertybank.ge;
 - 2.1.13. მომრავი ნივთი - ნებისმიერი ნივთ(ები), რომელიც კანონმდებლობის მიხედვით არ არის უძრავი ნივთ(ები);

- 2.1.14. მწარმოებელი - პირი, რომელიც აწარმოებს საბოლოო პროდუქტს (მათ შორის პროდუქტის ძირითად ელემენტს ან/და მის ნაწილს), აგრეთვე პირი რომელსაც პროდუქტი გამოაქვს გასაყიდად, გასაქირავებლად ან სხვა ფორმით სარეალიზაციოდ;
- 2.1.15. მხარე/მხარეები - ბანკი ან/და შემსრულებელი კონტექსტის შესაბამისად;
- 2.1.16. ნივთობრივად უნაკლო - მომრავი ნივთი ან/და უძრავი ნივთი ნივთობრივად უნაკლოა, თუ იგი შესაბამის შეთანხმებულ პირობებს; ხოლო, თუ ეს პირობები შეთანხმებული არ არის, მაშინ მომრავი ნივთი ან/და უძრავი ნივთი ნივთობრივად უნაკლოა, თუკი იგი/ისინი ვარგისია ხელშეკრულებით გათვალისწინებული ან ჩვეულებრივი გამოყენებისათვის. ამასთან, ნივთობრივ უნაკლს უთანაბრდება, შემსრულებლის მიერ ხელშეკრულებისგან განსხვავებული ან უფრო ნაკლები რაოდენობის მომრავი ან/და უძრავი ნივთის დამზადება.
- 2.1.17. პირგასამტელო (ჯარიმა) - ხელშეკრულებით განსაზღვრული ფულადი თანხა, რომლის გადახდის ვალდებულებაც შესაბამის მხარეს წარმოეჭება მის მიერ ნაკისრი ვალდებულებების შეუსრულებლობის ან/და არაჯეროვანი შესრულების შედეგად.
- 2.1.18. პირი/პირები - ფიზიკური პირ(ები), იურიდიული პირ(ები) (მათ შორის საჯარო სამართლის იურიდიული პირ(ები), არასამეწარმეო (არაკომერციული) იურიდიული პირ(ები) ან/და კანონმდებლობის საფუძველზე შექმნილი სხვა ორგანიზაციული/არარეგისტრირებული წარმონაქმნ(ები);
- 2.1.19. პროდუქტი - ნაწარმოები, მომრავი ნივთი ან მისი ნაწილი, გარდა გადაუმუშავებელი, მეცხოველეობის, მეფუტკრეობის, მეთევზეობის, ნადირობის ან/და მიწათმოქმედების შედეგად მიღებული ნატურალური სასოფლო-სამეურნეო პროდუქტ(ებ)ისა.
- 2.1.20. საანგარიშო თვე - 30 (ოცდაათი) კალენდარული დღე;
- 2.1.21. საბანკო დღე - ბანკის მიერ დადგენილი სამუშაო დღის (ბანკის მიერ განსაზღვრული დასვენების ან/და კანონმდებლობით დადგენილი უქმე დღეების გარდა) ის ნაწილი, რომლის განმავლობაშიც ბანკი ახორციელებს საბანკო მომსახურებას.
- 2.1.22. უფლებრივად უნაკლო - მომრავი ნივთი, უძრავი ნივთი ან/და არამატერიალური ქონებრივი სიკეთე, რომლის მიმართ მესამე პირ(ებს) არ შეუძლიათ გამოიყენონ რაიმე სახის უფლებები ბანკის წინააღმდეგ ან/და წარუდგინონ ბანკს პრეტენზია აღნიშნული უფლებების გამო;
- 2.1.23. უძრავი ნივთი - მიწის ნაკვეთი(ები) მასზე არსებული შენობა-ნაგებობ(ებ)ით ან მის/მათ გარეშე, შენობა-ნაგებობა/შენობა-ნაგებობები (მშენებარე, აშენებული ან დანგრეული), შენობა-ნაგებობ(ებ)ის ერთეულ(ები) (მშენებარე, აშენებული ან დანგრეული) და ხაზობრივი ნაგებობა/ნაგებობები;
- 2.1.24. შემსრულებელი - მომსახურების ხელშეკრულების 1.2. პუნქტში მითითებული პირი, რომელიც წარმოადგენს ხელშეკრულების მხარეს;
- 2.1.25. ფორს-მაჟორი/ფორს-მაჟორული გარემოებ(ები) - ხელშეკრულების ხელმოწერის შემდეგ წარმოშობილი დაუძლეველი ძალის გარემოებები, სტიქიური მოვლენები, კატაკლიზმები, ომი, სამოქალაქო არეულობა, გაფიცვა, ლოკაუტი, კარანტინი, საკანონმდებლო, აღმასრულებელი ხელისუფლების ან/და თვითმმართველობის ორგანოების, საერთაშორისო საგადამხდელო სისტემების გადაწყვეტილებები და ა.შ. რომელიც: (ა) არ არის დაკავშირებული მხარეთა ქმედებასთან ან/და უმოქმედობასთან; და (ბ) შეუძლებელს ხდის მხარეთა მიერ ხელშეკრულებით ნაკისრი ვადამოსული ვალდებულებ(ებ)ის სრულ და ჯეროვან შესრულებას.
- 2.1.26. ქვეკონტრაქტორ(ები) - მესამე პირ(ები), რომლებთანაც არსებული ხელშეკრულებების საფუძველზე შემსრულებელი უზრუნველყოფს მის მიერ ხელშეკრულებით ნაკისრი ვალდებულებების სრულ და ჯეროვან შესრულებას;
- 2.1.27. ხელშეკრულება - მხარეთა შორის გაფორმებული: (ა) მომსახურების ხელშეკრულება; (ბ) წინამდებარე მომსახურების ხელშეკრულების სტანდარტული პირობები და ნებისმიერი დამატებითი დანართი, რომელიც დაიდო/დაიდება ხელშეკრულებასთან დაკავშირებით და წარმოადგენს მის განუყოფელ ნაწილს;

3. განცხადებები და გარანტიები

- 3.1. შემსრულებელი აცხადებს და იძლევა გარანტიას, რომ:
 - 3.1.1. წარმოადგენს უფლებასუფლებით და ქმედუნარიან პირს, რომელსაც ხელშეკრულების დადების მიზნით მოპოვებული აქვს ყველა საჭირო თანხმობა, ნებართვა ან/და დავალება (მინდობილობა);
 - 3.1.2. ხელშეკრულების დადება ან/და შესრულება არ მოდის წინააღმდეგობაში კანონმდებლობასთან (მათ შორის შემსრულებლის იურისდიქციის კანონმდებლობასთან), საერთაშორისო ნორმებთან, შემსრულებლის დებულებებთან, წესდებებთან, გადაწყვეტილებებთან, სადამფუძნებლო ან/და სხვა სახის დოკუმენტებთან, არ იწვევს სხვა სახელშეკრულებო/სამართლებრივი ურთიერთობებით ნაკისრი/განსაზღვრული ვალდებულებ(ებ)ის დარღვევას და არ წარმოშობს მესამე პირ(ებ)ისათვის ხელშეკრულებაზე შევიძლება უფლებას;
 - 3.1.3. ხელშეკრულების დადების თარიღისათვის მისთვის არ არის ცნობილი ფორს-მაჟორის არსებობის შესახებ, რომელიც შეუძლებელს გახდის მხარეთა მიერ ხელშეკრულებით ნაკისრი ვადამოსული ვალდებულებების სრულად და ჯეროვან შესრულებას;

- 3.1.4. **შემსრულებელი** მოპასუხის ან მესამე პირის სახით არ მონაწილეობს სასამართლო ან/და საარბიტრაჟო დავაში, ადმინისტრაციულ წარმოებებში, რომელიც ხელს შეუშლის **მხარეთა** მიერ **ხელშეკრულებით** ნაკისრი ვალდებულებების სრულ და ჯეროვან შესრულებას;
- 3.1.5. წარმოადგენს გადახდისუნარიან **პირს**, რომლის მიმართ არ მიმდინარეობს გადახდისუნარიანობის (გაკოტრების ან რეაბილიტაციის) საქმისწარმოება, ლიკვიდაციის პროცესი ან/და არ არსებობს სხვა სახის გარემოება, რომელიც ხელს შეუშლის **მხარეთა** მიერ **ხელშეკრულებით** ნაკისრი ვალდებულებების სრულ და ჯეროვან შესრულებას;
- 3.1.6. **ხელშეკრულების** დადების მიზნით, **ბანკისათვის** წარდგენილი ინფორმაცია არის უტყუარი და ზუსტი, ხოლო დოკუმენტები (მათ შორის ერთმნიშვნელოვნად წესდება, სადამფუძნებლო დოკუმენტ(ებ)ი, დავალება (მინდობლობა) და სხვა) წარმოადგენს სრულ და მოქმედ რედაქციას;
- 3.1.7. **შემსრულებელი** არ მონაწილეობს, პირდაპირ ან არაპირდაპირ, რაიმე უკანონო საქმიანობაში (მათ შორის, ფულის გათეთრებაში, იარაღით ვაჭრობაში, ნარკოტიკებით ვაჭრობაში ან/და ტერორიზმში), რომელიც ეწინააღმდეგება ნებისმიერი იურისდიქციის კანონმდებლობას (მათ შორის, **შემსრულებლის** რეზიდენტი ქვეყნის იურისდიქციის კანონმდებლობას) და არ იყენებს თავის საქმიანობაში (მათი თანხმობის ან/და შესაბამისი ნებართვის გარეშე) არასრულწლოვანს ან/და შეზღუდული შესაძლებლობის მქონე პირების შრომას.
- 3.1.8. **ხელშეკრულების** დადებისას **ბანკის** ან/და **მესამე პირ(ებ)ის** მხრიდან ადგილი არ ჰქონია, **შემსრულებლის** ან/და მისი ახლოვლების მიმართ იძულებას, მოტყუებას ან/და მუქარას, **ბანკს** არ უსარგებლოა **შემსრულებლის** მიმდე ფინანსური მდგომარეობით და არ გამოუყენებია ბოროტად **ბანკის** საბაზრო ძალაუფლება.
- 3.2. **შემსრულებელი** ვალდებულია დაუყოვნებლივ შეატყობინოს **ბანკს** ნებისმიერი გარემოებ(ებ)ის შესახებ, რამაც შესაძლოა გამოიწვიოს **ხელშეკრულებაში** მითითებული **განცხადებებისა და გარანტიების** ან/და **ხელშეკრულებით** ნაკისრი ნებისმიერი ვალდებულებ(ებ)ის დარღვევა.
- 3.3. **მხარეები** აცნობიერებენ და თანხმდებიან, რომ **ხელშეკრულებას** დებენ **განცხადებებსა და გარანტიებზე** დაყრდნობით და თვლიან მათ **ხელშეკრულების** პირობებად. შესაბამისად, **ხელშეკრულებით** გათვალისწინებული **განცხადებებისა და გარანტიების** დარღვევა საკმარის საფუძველს წარმოადგენს **ბანკის** მიერ **ხელშეკრულებაზე** ცალმხრივი უარის სათქმელად.

4. ხელშეკრულების ძირითადი პირობები

- 4.1. **შემსრულებელმა** პირადად უნდა შესრულოს **მომსახურება**. თუ **ხელშეკრულებით** სხვა რამ არ არის განსაზღვრული, პირად შესრულებას უთანაბრდება **მომსახურების** შესრულება **შემსრულებლის** თანაშრომლ(ებ)ის, წარმომადგენლობაზე უფლებამოსილი პირ(ებ)ის ან/და **ექვეინტრაქტორ(ებ)ის** მიერ (ასეთის არსებობის შემთხვევაში).
- 4.2. თუ **მომსახურება** ითვალისწინებს **ბანკისათვის მომრავი ნივთის** ან/და **უძრავი ნივთის** მიწოდებას/გადაცემას, **შემსრულებელმა** **ბანკს** უნდა წარუდგინოს **ნივთობრივად და უფლებრივად უნაკლო მომრავი ან/და უძრავი ნივთი**.
- 4.3. თუ **მომსახურება** ითვალისწინებს **ბანკისათვის არამატერიალური ქონებრივი სიკეთის** (მათ შორის **ინტელექტუალური პროდუქტის**) მიწოდებას, **შემსრულებელმა** **ბანკს** უნდა წარუდგინოს **უფლებრივად უნაკლო არამატერიალური ქონებრივი სიკეთე** (მათ შორის **ინტელექტუალური პროდუქტი**).
- 4.4. **ბანკი** უფლებამოსილია **შემსრულებლისაგან** ნებისმიერ დროს მოითხოვოს, ხოლო **შემსრულებელი** ვალდებულია **ბანკს** მიაწოდოს **ექვეინტრაქტორ(ებ)თან** დადებული ხელშეკრულებ(ებ)ის სათანადო წესით დამოწმებული ასლი.
- 4.5. **ექვეინტრაქტორ(ებ)თან** დადებული არც ერთი ხელშეკრულება არ ათავისუფლებს **შემსრულებელს** მის მიერ ამ **ხელშეკრულებით** ნაკისრი ვალდებულებებისგან, მათ შორის ერთმნიშვნელოვნად ნებისმიერი სახის ზიანის (ზარალის) ანაზღაურებისგან, მიუხედავად იმისა **ექვეინტრაქტორ(ებ)ის** შერჩევაში **ბანკმა** მიიღო თუ არა რაიმე სახის მონაწილეობა.
- 4.6. თუ **ხელშეკრულებით** სხვა რამ არ არის განსაზღვრული **შემსრულებლის** მიერ **მომსახურებასთან** დაკავშირებული ხარჯთაღრიცხვის შედგენა **ბანკის** მიერ არ ანაზღაურდება.
- 4.7. **შემსრულებელმა** დაუყოვნებლივ უნდა შეატყობინოს **ბანკს** ნებისმიერი იმ გარემოებ(ებ)ის შესახებ, რომლის გათვალისწინებაც **შემსრულებლის** მიერ **ხელშეკრულების** დადებისას შეუძლებელი იყო და რამაც შესაძლოა გამოიწვიოს **მომსახურების** საფასურის გაზრდა (შემდგომში - **შეცვლილი გარემოებები**).
- 4.8. **ბანკის** მოთხოვნისას, **შემსრულებელმა** უნდა წარუდგინოს **ბანკს** **ბანკისათვის** მისაღები ავტორიტეტული საექსპერტო დაწესებულების დასკვნა, რომლითაც დადასტურებული იქნება **შემსრულებლის** მიერ მითითებული **შეცვლილი გარემოებების** ნამდვილობა და გაკლენა **მომსახურების** საფასურის მოცულობაზე.
- 4.9. **შეცვლილი გარემოებების** არსებობის დადასტურებისას **ბანკი** უფლებამოსილია: (ა) მოითხოვოს **ხელშეკრულების** მისადაგება აღნიშნული გარემოებებისადმი ან (ბ) ცალმხრივად შეწყვიტოს **ხელშეკრულება**.
- 4.10. თუ **მომსახურება** ან მისი ნაწილი სრულდება **ბანკის** მასალით, **ბანკის** მიერ **შემსრულებლისათვის** მასალის (მათ შორის **უძრავი ან/და მოძრავი ნივთების**) გადაცემა, **ბანკის** მოთხოვნის შემთხვევაში, განხორციელდება **მხარეთა** შორის შედგენილი მიღება-ჩაბარების აქტის საფუძველზე.

- 4.11. **შემსრულებელი** ვალდებულია დაუყოვნებლივ გააფრთხილოს **ბანკი**, რომ: (ა) **ბანკისაგან** მიღებული მასალა (მათ შორის **უძრავი ან/და მოძრავი ნივთები**) უხარისხო ან/და გამოუსდევარია; (ბ) **ბანკის** მითითებების შესრულება გამოიწვევს **მომსახურების** უხარისხო შესრულებას (ნამუშევრის არასიმტკიცელო, გამოუდგემარობას და სხვა); ან/და (გ) არსებობს **შემსრულებლისაგან** დამოუკიდებელი სხვა გარემოება, რომლის აღმოფხვრაც შესაძლებელია **ბანკის** მიერ და რომელიც საფრთხეს უქმნის **მომსახურების** ხარისხს (ნამუშევრის სიმტკიცეს ან/და ვარჯისანობას). ამასთან, **ბანკი** **შემსრულებლის** გაფრთხილების მიღებიდან 30 (ოცდაათი) კალენდარული დღის ვადაში, ხოლო აღნიშნული ვადის სიმძირის შემთხვევაში, **ბანკის** მიერვე მიერვე განსაზღვრულ ვადაში, უზრუნველყოფს გაფრთხილებაში მითითებული გარემოებების აღმოფხვრას.
- 4.12. **ბანკის** მოთხოვნის შემთხვევაში ან/და **მომსახურების** დასრულებისას, **შემსრულებელი** ვალდებულია დაუბრუნოს **ბანკს** **მომსახურების** შესრულებისას გამოყენებული **ბანკის** მასალა (მათ შორის **მომრავი ან/და უძრავი ნივთები**).
- 4.13. **ბანკის** მოთხოვნის შემთხვევაში, **ბანკის** მიერვე განსაზღვრული ფორმით, **შემსრულებელი** ვალდებულია: (ა) **ბანკს** მასალა დაუბრუნოს **მხარეთა** შორის შედგენილი მიღება-ჩაბარების აქტის საფუძველზე; (ბ) წარუდგინოს **ბანკს** აღნიშნული მასალის (მათ შორის **მომრავი ან/და უძრავი ნივთების**) ხარჯვის დასაბუთებული ანგარიშ(ებ)ი.
- 4.14. **შემსრულებლის** მიერ **ბანკისათვის** **მომსახურების** (მათ შორის **უძრავი ნივთის, მოძრავი ნივთის ან/და არამატერიალური ქონებრივი სიკეთის**) მიწოდება, თუ ეს გათვალისწინებულია **ხელშეკრულებით**, უნდა დასტურდებოდეს **მხარეთა** შორის შედგენილი მიღება-ჩაბარების აქტით.
- 4.15. მიუხედავად **მხარეთა** შორის მიღება-ჩაბარების აქტის არსებობის ან არარსებობისა, თუ **შემსრულებლის** მიერ **ბანკისათვის** მიწოდებული **მომსახურება** ან მისი ნაწილი (მათ შორის **უძრავი ნივთი, მოძრავი ნივთი ან/და არამატერიალური ქონებრივი სიკეთე**) არ არის **უფლებრივად ან/და ნივთობრივად უნაკლო, ბანკი** უფლებამოსილია მოითხოვოს, ხოლო **შემსრულებელი, ბანკის** მიერ განსაზღვრულ ვადაში (დამატებითი ვადა), ვალდებულია თავისი ხარჯებით აღმოფხვრას არსებული ნაკლი ან მიაწოდოს **ბანკს** ახალი ნაწილები. ამასთან, **შემსრულებლისათვის** განსაზღვრული/დამატებითი ვადის უქმედება გასვლის შემთხვევაში, **ბანკი** უფლებამოსილია თავად განახორციელოს ნაკლის აღმოფხვრა და მოსთხოვოს **შემსრულებელს** ნაკლის გამოსწორებისათვის გაწეულის ხარჯის, მათ შორის ზიანის (ზარალის), სრულად ანაზღაურება.
- 4.16. თუ ვალდებულების დარღვევის ხასიათიდან გამომდინარე **ბანკის** მიერ დამატებითი ვადა არ გამოიყენება, მაშინ დამატებითი ვადის განსაზღვრას უთანაბრდება გაფრთხილება. **ბანკის** მიერ **შემსრულებლის** გაფრთხილების შემთხვევაში, **ბანკი** უფლებამოსილია: (ა) თავად განახორციელოს ნაკლის აღმოფხვრა და მოსთხოვოს **შემსრულებელს** ნაკლის გამოსწორებისათვის გაწეულის ხარჯის, მათ შორის ზიანის (ზარალის), სრულად ანაზღაურება ან/და (ბ) სრულად ან ნაწილობრივ შეწყვიტოს **ხელშეკრულების** მოქმედება.
- 4.17. თუ **შემსრულებელმა** **მომსახურების** შედეგად **ბანკისათვის** გადაცემული **უძრავი ან/და მოძრავი ნივთებისათვის** იკისრა საგარანტიო ვადა, ამ ვადის განმავლობაში გამოვლენილი ნაკლი (როგორც უფლებრივი ასევე ნივთობრივი) წარმოშობს **ბანკის** მოთხოვნის უფლებას (მათ შორის ნაკლის გამოსწორების ან/და ზიანის/ზარალის ანაზღაურების მოთხოვნის უფლებას).

5. ინტელექტუალური პროდუქტთან დაკავშირებული დამატებითი პირობები

- 5.1. **ბანკის** მიერ **შემსრულებლისთვის** მიწოდებული ან **შემსრულებლის** მიერ **ხელშეკრულების** საფუძველზე **ბანკისათვის** შექმნილი **ინტელექტუალური პროდუქტი** წარმოადგენს **ბანკის** ექსკლუზიურ საკუთრებას. ამასთან **შემსრულებლის** მიერ **ბანკისათვის** **ინტელექტუალური პროდუქტის** მიწოდების შემთხვევაში **შემსრულებელი** სრულად გადასცემს **ბანკს** **ინტელექტუალურ პროდუქტთან** დაკავშირებულ ყველა საავტორო და მომხიჯავე უფლებას (მათ შორის როგორც ქონებრივ ისე არაქონებრივ უფლებებს), პატენტის, გამოგონების, სასარგებლო მოდელის, დიზაინის, სასაქონლო ნიშნის ან/და ინტერნეტ დომენის სარგებლობასთან/გამოყენებასთან და განკარგავსთან დაკავშირებული უფლებებს, რომელთა გადაცემა დასაშვებია **კანონმდებლობით**.
- 5.2. იმ შემთხვევაში თუ **ბანკის** მიერ **ინტელექტუალური პროდუქტით** სარგებლობა ან/და **ინტელექტუალური პროდუქტის** გამოყენება ან/და განკარგვა საჭიროებს **შემსრულებლის** ან/და **ინტელექტუალური პროდუქტის** შექმნავე მომუშავე სხვა პირის ან/და პირის, რომლის **ინტელექტუალური პროდუქტი** ჩართულია **შემსრულებლის** მიერ **ბანკისათვის** გადაცემულ **ინტელექტუალურ პროდუქტში**, თანხმობას/დასტურის/მოწონებას, **შემსრულებელი** ვალდებულია უზრუნველყოს ამგვარი თანხმობის/დასტურის/მოწონების მოპოვება და **ბანკისათვის** წარდგენა **ბანკისათვის** **ინტელექტუალური პროდუქტის** **ხელშეკრულებით** გათვალისწინებული წესით გადაცემამდე, ხოლო **ინტელექტუალური პროდუქტის** **ბანკისათვის** გადაცემისას ასეთის არ არსებობის შემთხვევაში, თანხმობის/დასტურის/მოწონების გაცემა ან/და მოპოვება და **ბანკისათვის** წარდგენა **ბანკის** მიერ განსაზღვრულ ვადაში, **ბანკის** მიერვე განსაზღვრული ფორმით, შინაარსით და პირობებით.
- 5.3. იმ შემთხვევაში თუ **ინტელექტუალური პროდუქტი** შეიცავს პირის პერსონალურ მონაცემებს ან/და **ინტელექტუალური პროდუქტის** შექმნისას გამოყენებულია **შემსრულებლის** ან/და **მესამე პირის** პერსონალური მონაცემები

შემსრულებელი ვალდებულია უზრუნველყოს ყველა საჭირო თანხმობის/დასტურების/მოწონების მოპოვება აღნიშნული მონაცემების გამოყენებაზე/დამუშავებაზე, როგორც **შემსრულებლისა** და **ბანკის** ისე ნებისმიერი **მესამე პირის** მიერ.

5.4. **შემსრულებელი** წინამდებარე **ხელშეკრულებაზე** ხელმოწერით ადასტურებს, რომ **ბანკი** არ არის ვალდებული მიუთითოს **ინტელექტუალურ პროდუქტზე** ავტორის ვინაობა.

5.5. **შემსრულებელი** იღებს ვალდებულებას **ბანკის** მიერ წინამდებარე **ხელშეკრულების** ფარგლებში მიწოდებული მასალა გამოიყენოს მხოლოდ წინამდებარე **ხელშეკრულებით** გათვალისწინებული **მომსახურების** შესრულების მიზნებისთვის და არ დაუშვას აღნიშნული **მასალა(ებ)ის** გასაჯაროება **მესამე პირებზე** გადაცემა ან/და სხვა სახით გამოყენება, თუ **ბანკთან** შეთანხმებით სხვა რამ არ იქნება განსაზღვრული.

6. ხელშეკრულების შესრულების გარანტია და კონტროლი

6.1. **ბანკს** უფლება აქვს **ხელშეკრულების** შესრულების ნებისმიერ ეტაპზე გააკონტროლოს **შემსრულებლის** ან/და **ქვეკონტრაქტორ(ებ)ის** მიერ ნაკისრი ვალდებულებების შესრულება.

6.2. **შემსრულებელი** ვალდებულია **ბანკის** წერილობითი მოთხოვნისას უზრუნველყოს **ბანკი** კონტროლის ჩატარებისათვის აუცილებელი საშუაო პირობებით.

7. მხარეთა პასუხისმგებლობა

7.1. **მხარეები** იღებენ ვალდებულებას აუნაზღაურონ ერთმანეთს მათ მიერ **ხელშეკრულების** შეუსრულებლობის ან არაჯეროვნად შესრულების შედეგად მიყენებული ზიანი (ზარალი) **კანონმდებლობით** ან/და **ხელშეკრულებით** დადგენილი წესით.

7.2. მიუხედავად **სტანდარტული პირობების** 6.1. პუნქტით განსაზღვრული გარანტიისა, **შემსრულებლის** მიერ **ხელშეკრულებით** ნაკისრი ვალდებულებების სრულად და ჯეროვნად შესრულების უზრუნველსაყოფად, **შემსრულებელი** აცხადებს წინასწარ თანხმობას **ბანკის** სრულ უფლებამოსილებაზე, **ბანკმა** საკუთარი შეხედულებისამებრ:

7.2.1. **შემსრულებლის** ნებისმიერი სახის **ბანკში** არსებული **ანგარიშიდან** უაქეპტოდ ჩამოწეროს ყველა გადასახდელი (მათ შორის ერთმნიშვნელოვნად ზიანის/ზარალის ანაზღაურების თანხები) და მიმართოს არსებული ფულადი ვალდებულებების დასაფარად/შესამცირებლად;

7.2.2. თუ გადასახდელი და **ანგარიშზე** რიცხული თანხა სხვადასხვა ვალუტაშია, **ბანკმა** თავად განახორციელოს კონვერტაცია გადახდის თარიღისათვის **ბანკში** მოქმედი კომერციული კურსით, ხოლო კონვერტაციის მომსახურების ღირებულება ასევე უაქეპტოდ ჩამოწეროს **შემსრულებლის ანგარიშიდან**;

7.2.3. **ბანკის** წინაშე არსებული **შემსრულებლის** ვალდებულებები გაკეთის **შემსრულებლის** წინაშე არსებულ **ბანკის** ნებისმიერ ვალდებულებაში (მათ შორის ერთმნიშვნელოვნად **მომსახურების** საფასურის გადახდის ვალდებულებაში და სხვა).

7.3. **შემსრულებელი** ვალდებულია აუნაზღაუროს **ბანკს** ნებისმიერი ზიანი/ზარალი, რომელიც გამომდინარეობს **ბანკისაგან** მიღებული მასალის (მათ შორის **მომრავი** ან/და **უძრავი ქონების**) ან/და **შემსრულებლის** მიერ დამზადებული ნაკეთობის დაზიანების, დაკარგვის ან/და განადგურების შედეგად.

7.4. **ხელშეკრულების** ან/და საგარანტიო ვადის მოქმედების განმავლობაში **შემსრულებელი** პასუხისმგებელია **მესამე პირებისათვის** მიყენებული ნებისმიერი ზიანისათვის (ზარალისათვის), რომელიც გამომდინარეობს **მომსახურებიდან**.

7.5. თუ **მომსახურება** ითვალისწინებს **შემსრულებლის** მიერ **ბანკისათვის პროდუქტის** მიწოდებას და **შემსრულებელი** წარმოადგენს **პროდუქტის მწარმოებელს**, **შემსრულებელი** პასუხისმგებელია **პროდუქტით** გამოწვეული ნებისმიერი ზიანისათვის/ზარალისათვის, მიუხედავად იმისა, იმყოფება თუ არა **შემსრულებელი** სახელშეკრულებო ურთიერთობაში დაზარალებულ **პირთან**.

8. ხელშეკრულების მოქმედება და ხელშეკრულების შეწყვეტა

8.1. თუ **მომსახურების ხელშეკრულებით** სხვა რამ არ არის განსაზღვრული, **ხელშეკრულება** ძალაში შედის **მხარეთა** მიერ მისი ხელმოწერის დღიდან და მოქმედებს **მხარეთა** მიერ **ხელშეკრულებით** ნაკისრი ვალდებულებების სრულად და ჯეროვნად შესრულებამდე.

8.2. **ხელშეკრულებით** ან/და **კანონმდებლობით** განსაზღვრულ შემთხვევებში და პირობებით შესაძლებელია **ხელშეკრულების** ვადამდე სრულად ან ნაწილობრივ შეწყვეტა:

8.2.1. **ბანკის** მიერ, თუ **შემსრულებელი** სრულად და ჯეროვნად არ შესრულებს **ხელშეკრულებით** განსაზღვრულ ნებისმიერ ვალდებულებას (მათ შორის, ფულად ვალდებულებას, განცხადებებს და გარანტიებს, ნებისმიერ პირობას ან/და სხვა ვალდებულებას);

8.2.2. **ბანკის** მიერ, ცალმხრივად;

8.2.3. **მხარეთა** წერილობითი შეთანხმებით;

8.2.4. **ხელშეკრულებით** ან/და **კანონმდებლობით** გათვალისწინებულ სხვა შემთხვევებში.

8.3. იმ შემთხვევაში, თუ **შემსრულებელი კანონმდებლობის** საფუძველზე და მის შესაბამისად მიიღებს **ხელშეკრულების** ცალმხრივად სრულად ან ნაწილობრივ შეწყვეტის გადაწყვეტილებას, ვალდებულია წერილობით შეატყობინოს **ბანკს** მიღებული გადაწყვეტილება, მისი მიღების საფუძველი და ამოქმედების თარიღი, რომელიც არ უნდა იყოს 60 (სამოცი) კალენდარულ დღეზე ნაკლები. ხოლო თუ **ხელშეკრულებით** ან/და **კანონმდებლობით** გათვალისწინებულ შემთხვევებში **ხელშეკრულება** უნდა შეწყდეს უფრო მოკლე ვადებში ან/და **ბანკს** მიზანშეწონილად მიაჩნია **ხელშეკრულების** უფრო მოკლე ვადებში შეწყვეტა, **ხელშეკრულება** შეიძლება უფრო მოკლე ვადებშიც შეწყდეს.

8.4. იმ შემთხვევაში თუ **ბანკი** მიიღებს **ხელშეკრულების** ცალმხრივად სრულად ან ნაწილობრივ შეწყვეტის გადაწყვეტილებას, ვალდებულია შეატყობინოს **შემსრულებელს** მიღებული გადაწყვეტილება და ამოქმედების თარიღი, რომელიც 1 (ერთი) თვეზე მეტი ხნის ვადით გაფორმებული **ხელშეკრულების** შემთხვევაში არ უნდა იყოს 10 (ათი) კალენდარული დღეზე ნაკლები, ხოლო 1 (ერთი) თვეზე ნაკლები ხნის ვადით გაფორმებული **ხელშეკრულების** შემთხვევაში - 1 (ერთი) კალენდარულ დღეზე ნაკლები.

8.5. **ბანკის** მიერ, გარდა **სტანდარტული პირობების** 8.2.1. პუნქტით გათვალისწინებული შემთხვევებისა, **ხელშეკრულების** ვადამდე სრულად ან ნაწილობრივ შეწყვეტის შემთხვევაში **ბანკი** ვალდებულია გადაუხადოს **შემსრულებელს** საფასური მის მიერ ფაქტობრივად შესრულებული სამუშაოს/მომსახურების შესაბამისად. საფასურის გადახდა ათავისუფლებს **ბანკს ხელშეკრულების** სრულად ან ნაწილობრივ შეუსრულებლობის ან არაჯეროვნად შესრულების შედეგად მიყენებული ზიანის (ზარალის) ანაზღაურების ვალდებულებისაგან.

8.6. **შემსრულებლის** მიერ **ხელშეკრულების** ვადამდე სრულად ან ნაწილობრივ შეწყვეტის შემთხვევაში **ბანკი** ვალდებულია გადაუხადოს **შემსრულებელს** საფასური მის მიერ ფაქტობრივად შესრულებული სამუშაოს/მომსახურების შესაბამისად, მხოლოდ იმ შემთხვევაში თუ **შემსრულებლის** მხრიდან შეწყვეტა განპირობებულია მნიშვნელოვანი საფუძველით და **ბანკს ხელშეკრულების** შეწყვეტამდე გაწეული **მომსახურების** მიმართ გააჩნია ინტერესი;

8.7. თუ **ხელშეკრულება შემსრულებელმა** მამინ შეწყვიტა, როდესაც **ბანკი** მოკლებული იყო შესაძლებლობას, სხვაგვარად უზრუნველყო თავისი ინტერესები, **შემსრულებელმა** უნდა აანაზღაუროს **ხელშეკრულების** შეწყვეტით **ბანკისათვის** მიყენებული ნებისმიერი სახის ზიანი (ზარალი), გარდა იმ შემთხვევებისა, როცა **შემსრულებელს** ამისათვის მნიშვნელოვანი საფუძველი ჰქონდა.

8.8. **ხელშეკრულების** შეწყვეტის შემთხვევაში:

8.8.1. **შემსრულებელი** ვალდებულია დაუბრუნოს **ბანკს** ყველაფერი რაც მან მიიღო **მომსახურების** შესასრულებლად (მათ შორის **მომრავი** ან/და **უძრავი ქონება**).

8.8.2. **ბანკი** უფლებამოსილია **შემსრულებლის** მიერ **ბანკისათვის** გადასახდელის მოცულობის ფარგლებში არ გადაუხადოს **შემსრულებელს ხელშეკრულების** შეწყვეტის მომენტში არსებული **მომსახურების** საფასური, რაც შესაბამისი მოცულობით ჩაითვლება (გაიქვითება) **შემსრულებლის** მიერ **ბანკისათვის** გადასახდელის ანგარიშში.

8.9. **ხელშეკრულების** სრულად ან ნაწილობრივ შეწყვეტა არ ათავისუფლებს **შემსრულებელს ხელშეკრულებით** ნაკისრი ან/და **კანონმდებლობით** დადგენილი ვალდებულებების სრულად და ჯეროვნად შესრულებისაგან (გადახდისაგან) ამგვარი ვალდებულების იძულებით ან ნებაყოფლობით შესრულების მომენტამდე.

8.10. თუ **ხელშეკრულების** სრულად ან ნაწილობრივ შეწყვეტის შედეგები (მათ შორის პასუხისმგებლობა) არ არის გათვალისწინებული **ხელშეკრულებით**, მამინ **მხარეები** იხელმძღვანელებენ შესაბამის **კანონმდებლობით**.

9. ანგარიშსწორება

9.1. **ხელშეკრულების** საფუძველზე არსებული ფულადი ვალდებულებები, გარდა **მომსახურების** საფასურისა, უნდა შესრულდეს (გადახდილ უნდა იქნას) შესაბამისი ფულადი ვალდებულებ(ებ)ის წარმოშობიდან (**პირფასამტეხლოს**, ზიანის/ზარალის ანაზღაურების შემთხვევაში მისი/მათი გადახდის მოთხოვნის წარდგენიდან) 10 (ათი) **საბანკო დღის** ვადაში.

9.2. თუ **ხელშეკრულებით** სხვა რამ არ არის განსაზღვრული, **მხარეთა** შორის **ანგარიშსწორება** წარმოებს უნაღლო **ანგარიშსწორების** წესით.

9.3. უნაღლო **ანგარიშსწორების** შემთხვევაში ფულადი სახსრები უნდა ჩაირიცხოს **ხელშეკრულებაში** მითითებულ ან **მხარეთა** მიერ დამატებით მიწოდებულ/განსაზღვრულ საბანკო რეკვიზიტებზე.

10. კომუნიკაცია

10.1. **მხარეთა** შორის ნებისმიერი ურთიერთობა უნდა განხორციელდეს წერილობითი ფორმით და მიეწოდოს **მხარეს მომსახურების ხელშეკრულებაში** ან/და **ბანკთან** არსებულ სხვა ხელშეკრულებ(ებ)ში მითითებულ საკონტაქტო მონაცემებზე პირადად, კურიერის (მათ შორის რეგისტრირებულ ფოსტის ან/და სასამართლო კურიერის), ელექტრონული ფოსტის, ფიქური კავშირგაბმულობის (მოკლუნიტექსტური შეტყობინების) ან/და **ბანკის** მიერ შემდგომში განსაზღვრული კომუნიკაციის სხვა საშუალებებით, იმის გათვალისწინებით, რომ:

10.1.1. **შემსრულებლის** მიერ **ბანკისათვის** პირადად ან/და კურიერის საშუალებით გაგზავნილი შეტყობინება ჩაბარებულად ითვლება **ბანკის** კანცელარიაში

შეტყობინების რეგისტრაციის დღეს, ხოლო ელექტრონული ფოსტის მისამართზე გაგზავნისას, **ბანკის** მიერ **შემსრულებლისათვის** მიღების დამადასტურებელი საპასუხო ელექტრონული წერილის გაგზავნის დღეს;

10.1.2. **ბანკის** მიერ **შემსრულებლისათვის** კურიერის (მათ შორის რეგისტრირებული ფოსტის ან/და სასამართლო კურიერის) საშუალებით გაგზავნილი შეტყობინება ჩაბარებულად ითვლება **შემსრულებლისათვის** ჩაბარების დღეს, ხოლო აღნიშნული ჩაბარების დადასტურების არ არსებობის შემთხვევაში **შემსრულებლის** მისამართზე შეტყობინების ნებისმიერი **პირისთვის** ჩაბარებიდან მომდევნო კალენდარულ დღეს;

10.1.3. **ბანკის** მიერ **შემსრულებლისათვის** ელექტრონული ფოსტის საშუალებით გაგზავნილი შეტყობინება ჩაბარებულად ითვლება **შემსრულებლის** ელექტრონული ფოსტის სერვერიდან მიღებული დასტურის (ადრესატის ელექტრონულ ფოსტაში რეგისტრაციის შესახებ შეტყობინების) გაცემის დღეს, ხოლო ასეთი დასტურის არ არსებობის შემთხვევაში მომდევნო კალენდარულ დღეს;

10.1.4. **ბანკის** მიერ **შემსრულებლისათვის** ფიჭური კავშირგაბმულობის (მოკლექტუსტური შეტყობინების) ან/და **ბანკის** მიერ შემდგომში განსაზღვრული კომუნიკაციის სხვა საშუალებებით გაგზავნილი შეტყობინება ჩაბარებულად ითვლება შეტყობინების გაგზავნიდან მომდევნო კალენდარულ დღეს.

10.2. იმ შემთხვევაში თუ **შემსრულებელი ხელშეკრულებით** გათვალისწინებული ნებისმიერი საკონტაქტო მონაცემის (მათ შორის **ხელშეკრულებაში** არსებული ნებისმიერი რეკვიზიტის) ცვლილების შესახებ წინასწარ არ შეატყობინებს **ბანკს** ან/და უშუალოდ ან საკონტაქტო პირის საშუალებით უარს განაცხადებს **ხელშეკრულებით** საფუძველზე გაგზავნილი შეტყობინების მიღებაზე, **ბანკის** მიერ განხორციელებული ნებისმიერი ასეთი შეტყობინება ჩაითვლება ჩაბარებულად შეტყობინების გაგზავნიდან მომდევნო კალენდარულ დღეს.

11. კონფიდენციალურობა

11.1. **მხარე** ვალდებულია, როგორც **ხელშეკრულების** მოქმედების ვადაში, ასევე სახელშეკრულებო ურთიერთობის დასრულების შემდეგაც, არ გაამჟღავნოს ან/და **მესამე პირ(ებ)ს** არ გადასცეს **კონფიდენციალური ინფორმაცია**.

11.2. **კონფიდენციალური ინფორმაცია** არ განეკუთვნება: (ა) ინფორმაცია რომელიც **კანონმდებლობის** საფუძველზე არის/გახდება საჯარო; (ბ) ინფორმაცია, რომლის გამჟღავნების თაობაზეც არსებობს **კონფიდენციალური ინფორმაციის** მესაკუთრე **მხარის** წინასწარი წერილობითი თანხმობა ან/და **მხარეთა** შეთანხმება; (გ) ინფორმაცია, რომლის გამჟღავნებაც განხორციელდება, **კანონმდებლობით** გათვალისწინებულ შემთხვევებში, მათ შორის **მესამე პირ(ებ)ის** კანონიერი მოთხოვნის დაკმაყოფილების შედეგად;

11.3. **შემსრულებელი ბანკს** ანიჭებს უფლებამოსილებას, **შემსრულებლის** მიერ **ხელშეკრულებით** ნაკისრი ვალდებულებების შესრულების მონიტორინგის მიზნით, **მესამე პირ(ებ)ს** გადასცეს ან/და **მესამე პირ(ებ)ისაგან** მიიღოს (მათ შორის ერთმნიშვნელოვნად ს.ს.ი.პ. სამოქალაქო რეესტრის სააგენტოსგან), **შემსრულებლის** შესახებ არსებული **კონფიდენციალური ინფორმაცია**.

12. პრეტენზიები და დავები

12.1. **ხელშეკრულებიდან** გამომდინარე ყველა დავა უნდა გადაწყდეს **მხარეთა** შორის მოლაპარაკების გზით.

12.2. დავის მოუვარებლობის შემთხვევაში, **მხარეები** მიმართავენ სასამართლოს **ბანკის** ადგილსამყოფელის მიხედვით. ამასთან, **მხარეები** თანხმდებიან, რომ დავასთან დაკავშირებით პირველი ინსტანციის სასამართლოს მიერ **ბანკის** სასარგებლოდ მიღებული გადაწყვეტილება მიყვებული იქნება დაუყოვნებლივ აღსასრულებლად.

13. ფორს-მაჟორი

13.1. **მხარე** არ არის პასუხისმგებელი მის მიერ **ხელშეკრულებით** ნაკისრი ვალდებულებების შეუსრულებლობაზე ან/და არაჯეროვან შესრულებაზე, თუ აღნიშნული შეუსრულებლობა ან/და არაჯეროვანი შესრულება განპირობებულია **ფორს-მაჟორული გარემოებ(ებ)ის** მოქმედების შედეგად.

13.2. **მხარე**, რომელსაც წარმოემა **ფორს-მაჟორი**, მიუხედავად იმისა დასრულებულია თუ არა მისი მოქმედება, ვალდებულია: (ა) აღნიშნული გარემოებ(ებ)ის დადგომიდან 3 (სამი) **საბანკო დღის** ვადაში მიაწოდოს მეორე **მხარეს** **ფორს-მაჟორულ გარემოებ(ებ)თან** დაკავშირებული ინფორმაცია, რომელიც უნდა შეიცავდეს **ფორს-მაჟორული გარემოებ(ებ)ის** აღწერას, მისი მოქმედების სავარაუდო ხანგრძლივობას, შეწყვეტის შემთხვევაში შეწყვეტის თარიღს/დროს და (ბ) მიიღოს აუცილებელი ზომები ამ გარემოებ(ებ)ით გამოწვეულ/მოსალოდნელი შედეგების (მათ შორის ერთმნიშვნელოვნად ზიანის/ზარალი) შესამცირებლად/აღმოსაფხვრელად.

13.3. **შემსრულებლის** მიერ **ფორს-მაჟორული გარემოებ(ებ)ზე** მითითებისას მათი არსებობა ან/და არარსებობა უნდა დასტურდებოდეს **კანონმდებლობის** საფუძველზე უფლებამოსილი ორგანოს მიერ გაცემული ცნობით, რომელიც **ბანკს** უნდა წარედგინოს **ფორს-მაჟორული გარემოებ(ებ)ის** შესახებ **ბანკისათვის** ინფორმაციის მიწოდებიდან 10 (ათი) კალენდარული დღის ვადაში.

13.4. **სტანდარტული პირობების** 13.2. პუნქტის „ა“ ქვეპუნქტით განსაზღვრული ვალდებულება შესაბამის **მხარეზე** ვრცელდება **ფორს-მაჟორული გარემოებ(ებ)ის** შეწყვეტის შემთხვევაშიც.

13.5. **ფორს-მაჟორის** მოქმედების განმავლობაში, **ხელშეკრულებით** გათვალისწინებული ვალდებულებები და მათი შესრულების ვადები შეჩერდება და გადავადდება **ფორს-მაჟორის** ხანგრძლივობის შესაბამისად. აღნიშნული ვადების დინება ან/და ვალდებულებების შესრულების პირობა განახლებად **ფორს-მაჟორული გარემოებ(ებ)ის** აღმოფხვრისთანავე.

13.6. **შემსრულებელი** ვალდებულია სრულად და ჯეროვნად შეასრულოს **ხელშეკრულებით** ნაკისრი სხვა ვალდებულებები თუ (ა) **ფორს-მაჟორის** მოქმედება არ ახდენს გავლენას მათ სრულ და ჯეროვან შესრულებაზე და (ბ) **ბანკს** აღნიშნული შესრულების მიმართ გააჩნია ინტერესი.

13.7. იმ შემთხვევაში თუ, **ფორს-მაჟორის** მოქმედებისას: (ა) **ფორს-მაჟორის** ვადის ხანგრძლივობა აღემატება 90 (ოთხმოცდაათი) კალენდარულ დღეს ან (ბ) **ხელშეკრულებით** ნაკისრი ვალდებულებ(ებ)ის შესრულების მიმართ **ბანკს** ადარ გააჩნია ინტერესი - **ბანკი** უფლებამოსილია ცალმხრივად მოითხოვოს **ხელშეკრულების** სრულად ან/და ნაწილობრივ შეწყვეტა.

14. შემსრულებლის სიმრავლე

14.1. **ხელშეკრულების** მიზნებისათვის, „**შემსრულებელი**“-ს დეფინიციამი მოცემულ **პირებზე ხელშეკრულების** პირობები გავრცელდება სრულად, გარდა იმ შემთხვევისა, როდესაც შესაბამისი **პირის** სამართლებრივი სტატუსიდან (ფიზიკური პირი, იურიდიული პირი ან სხვა ორგანიზაციული წარმონაქმნი) გამომდინარე კონკრეტული პირობა ვერ გავრცელდება ამგვარ **პირზე**.

14.2. იმ შემთხვევაში, თუ **ხელშეკრულების მხარეს** წარმოადგენს ერთზე მეტი **შემსრულებელი**:

14.2.1. თითოეული ასეთი **შემსრულებელი** წარმოადგენს **ბანკის** მიმართ სოლიდარულ მოვალეს **ხელშეკრულებიდან** გამომდინარე ვალდებულებებზე;

14.2.2. თითოეული **შემსრულებლის** სოლიდარული პასუხისმგებლობა ძალაშია მიუხედავად მათ მიერ ხელშეკრულებიდან გამომდინარე ვალდებულებების უზრუნველსაყოფად **ბანკის** სასარგებლოდ რაიმე ფორმით გაცემული დამატებითი ვალდებულების (მათ შორის, დაზღვევის ან/და გარანტიის) არსებობა/არარსებობისა;

14.2.3. ერთ-ერთ **შემსრულებელთან** დაკავშირებული ფაქტები გამოიყენება სხვა **შემსრულებლის** მიმართაც, იმის გათვალისწინებით, რომ **ბანკის** მიერ რომელიმე **შემსრულებლის** მიმართ თავისი უფლებების გამოყენებლობა (სრულად ან ნაწილობრივ) არ გავრცელდება სხვა **შემსრულებლებზე** და არ ათავისუფლებს მათ შესაბამისი ვალდებულებებისაგან;

14.2.4. ერთ-ერთი **შემსრულებლის** მიერ **ხელშეკრულების** ვალდებულების შეთხვევაში, **ბანკი** უფლებამოსილია შესაბამისი მოთხოვნა/მოთხოვნები წაუყენოს ნებისმიერ **შემსრულებელს** და მის მიმართ ისარგებლოს **ხელშეკრულებით** გათვალისწინებული ან/და **კანონმდებლობით** დადგენილი უფლებებით.

14.2.5. **ბანკი** უფლებამოსილია თავისი სურვილისამებრ შესრულება მოსთხოვოს ნებისმიერ **შემსრულებელს** როგორც მოლიანად, ასევე ნაწილობრივ. სოლიდარული ვალდებულება ვრცელდება **შემსრულებლის** უფლებამონაცვლეება და სამართალმემკვიდრეებზე მათი წილის შესაბამისად. თუ ერთი **შემსრულებლის** ვალდებულებას შესარულებს სხვა ნებისმიერი **შემსრულებელი** კრედიტორის წინაშე მას უჩნდება რეგრესის უფლება იმ **შემსრულებლის** მიმართ, ვისი ვალდებულებაც შესრულა. თუ ერთ-ერთი **შემსრულებელი** გადახდისუნარო გახდება, ასეთ შემთხვევაში მის მიერ შეუსრულებელი ვალდებულება თანაბრად ნაწილდება სხვა **შემსრულებლებზე**.

14.2.6. **შემსრულებლის** მიერ **ხელშეკრულების** სრულად ან ნაწილობრივ შეწყვეტა დასაშვებია ყველა **შემსრულებლის** მიერ **ბანკისთვის** წარდგენილი ერთობლივი მოთხოვნის საფუძველზე.

15. სხვა პირობები

15.1. **მხარეები** ადასტურებენ, რომ **ხელშეკრულების** ხელმოწერისას ისინი მოქმედებდნენ გონივრული განსჯის შედეგად, წინასწარ გაეცნენ **ხელშეკრულებას**, სრულად ესმით **ხელშეკრულების** პირობების შინაარსი და ისინი სათანადოდ იქნა შესწავლილი **მხარეთა** მიერ.

15.2. თითოეული **მხარე** (ა) უფლებამოსილია ისარგებლოს **ხელშეკრულებით** განსაზღვრული უფლებ(ებ)ით და (ბ) ვალდებულია შეასრულოს **ხელშეკრულებით** ნაკისრი ვალდებულებ(ებ)ი.

15.3. თუ **ხელშეკრულებით** სხვა რამ არ არის განსაზღვრული **ბანკის** მოთხოვნა **შემსრულებლის** მიერ უნდა შესრულდეს მოთხოვნით განსაზღვრულ ვადაში, ხოლო ასეთის არ არსებობისას, **ბანკის** მოთხოვნისა და 10 (ათი) კალენდარული დღის ვადაში.

15.4. **ხელშეკრულების** რომელიმე მუხლ(ებ)ის, პუნქტ(ებ)ის ან/და ქვეპუნქტ(ებ)ის **კანონმდებლობის** საფუძველზე ბათილად ცნობის/მალადაკარგულად გამოცხადების შემთხვევაში დანარჩენი მუხლ(ებ)ი, პუნქტ(ებ)ი, ქვეპუნქტ(ებ)ი ინარჩუნდება იურიდიულ ძალას, ბათილი/მალადაკარგული მუხლ(ებ)ის, პუნქტ(ებ)ის, ქვეპუნქტ(ებ)ის ნაცვლად მოქმედებს ის მუხლ(ებ)ი, პუნქტ(ებ)ი ან/და ქვეპუნქტ(ებ)ი, რომლ(ებ)ითაც ადვილად მიიღწევა **ხელშეკრულების** მიზანი.

15.5. **ხელშეკრულების** ცვლილებების ან/და დამატებების შეტანა დასაშვებია წერილობითი ფორმით **მხარეთა** მიერ ხელმოწერილი შეთანხმების საფუძველზე.

ხელშეკრულებაში შეტანილი ცვლილებები ან/და დამატებები წარმოადგენს **ხელშეკრულების** განუყოფელ ნაწილს და მოქმედებს მასთან ერთად.

15.6. ერთ-ერთი **მხარის** მიერ **ხელშეკრულებიდან** ან/და **კანონმდებლობიდან** გამომდინარე ვალდებულებების დარღვევის შემთხვევაში, მეორე **მხარის** მიერ უფლებ(ებ)ის გამოუყენებლობა არ წარმოადგენს მოთხოვნის უფლებაზე უარის თქმის საფუძველს, ამასთან აღნიშნული **მხარის** მიერ ამგვარი უფლებ(ებ)ის გამოუყენებლობა არ წარმოადგენს შემდგომში **ხელშეკრულების** ან/და **კანონმდებლობის** დარღვევის შედეგად წარმოშობილ მოთხოვნის უფლებაზე უარის თქმის საფუძველს.

15.7. ნებისმიერი და ყოველი უფლება, რომელიც მიენიჭება **მხარეს** მეორე **მხარის** მიერ **ხელშეკრულების** ან/და **კანონმდებლობის** სრულად ან ნაწილობრივ დარღვევის შედეგად, კრებითია და დაემატება **ხელშეკრულებით** ან/და **კანონმდებლობით** მინიჭებულ ყველა სხვა უფლებას.

15.8. **შემსრულებელი** არ არის უფლებამოსილი **ბანკის** წინასწარი წერილობითი თანხმობის გარეშე **მესამე პირ(ებს)** სრულად ან ნაწილობრივ დაუთმოს **ხელშეკრულებით** მინიჭებული უფლებები ან/და **ხელშეკრულებით** ნაკისრი ვალდებულებები. ამასთან, **ბანკი** მიუხედავად აღნიშნული პირობისა უფლებამოსილია საკუთარი შეხედულებისამებრ **მესამე პირებისაგან** მიიღოს **ხელშეკრულებით** განსაზღვრული ვალდებულების შესრულება.

15.9. **ხელშეკრულების** პირობების მოქმედება სრულად ვრცელდება **მხარეებზე**, მათ თანამშრომლებზე, წარმომადგენლებზე, სამართალმემკვიდრეებსა და უფლებამონაცვლებებზე.

15.10. **ხელშეკრულება** რეგულირდება და განიმარტება **კანონმდებლობის** შესაბამისად. იმ შემთხვევებში, რომლებიც არ არის გათვალისწინებული **ხელშეკრულებით** **მხარეები** იხელმძღვანელებენ **კანონმდებლობით** დადგენილი შესაბამისი ურთიერთობის მარეგულირებელი ნორმებით ან/და დამატებით შეთახმებული პირობებით. ამასთან, **მხარეები** თანხმდებიან, რომ **ხელშეკრულების** შესრულების ადგილად მიიჩნევა **ბანკის** იურიდიული მისამართი.

15.11. **მხარეები** თანხმდებიან, რომ **ხელშეკრულებიდან** გამომდინარე ან/და მასთან დაკავშირებული ხარჯების ანაზღაურების ვალდებულება ეკისრება **შემსრულებელს**.

15.12. **ხელშეკრულებაში** არსებული მუხლ(ებ)ი/პუნქტ(ებ)ი/ქვეპუნქტ(ებ)ი დანომრილი და დასათაურებულია, ხოლო გამოქვეყნებული მოცემულია **ხელშეკრულების** შინაარსის მოხერხებულად აღქმის მიზნით და არ ახდენს გავლენას **ხელშეკრულების** პირობ(ებ)ის ინტერპრეტაციაზე.

15.13. თუ **ხელშეკრულებით** სხვა რამ არ არის განსაზღვრული, **ხელშეკრულების** ხელმოწერამდე **მხარეთა** შორის **ხელშეკრულების** საგანზე არსებული სიტყვიერი ან/და წერილობითი შეთანხმებები ჩაითვლება ძალადაკარგულად.

15.14. **ხელშეკრულება** შედგენილია ქართულ ენაზე. **მხარეთა** შეთანხმებით **ხელშეკრულება** დამატებით შესაძლოა დაიდოს სხვა ენაზეც. ამ შემთხვევაში ქართულ ენაზე შედგენილ **ხელშეკრულებას** უპირატესობა მიენიჭება სხვა ენაზე შედგენილ **ხელშეკრულების** ეგზემპლარებთან მიმართებაში.

15.15. **მომსახურების ხელშეკრულების** თითო თანაბარი იურიდიული ძალის მქონე ეგზემპლარი გადაეცათ **მხარეებს**.